

ODLUKA O FINANCIRANJU MT

Organizacija	Naziv projekta	Sažetak projekta
Udruženje za afirmaciju pozitivnih vrijednosti "ILMI BATIN" Bihać	Street workout park u Varešu	Problem: manjak parkova u Varešu i višak neiskorištenog prostora koji vrlo često biva zapušten i služi za bacanje smeća. Cilj projekta: Učiniti Vareš mjestom ugodnijeg i zdravijeg življenja sa sadržajem koji će biti zanimljiv i djeci i odraslima. Aktivnosti: Čišćenje prostora koji se nalazi u centru Vareša u neposrednoj blizini jedinog igrališta za djecu, postavljanje kanti za smeće kao i klupa za odmor, postavljanje podloge na kojoj će se nalaziti sprave za fitness vježbanje i postavljanje samih sprava.
Klub ekstremnih sportova "Crni vrh" Bosanski Petrova	Zaštita izvora pitke vode "Daćino vrelo"	Problem: Vrelo je zaraslo u gusto rastinje, neuslovno je i nemoguće mu je prići. Oko vrela se skupljaju zmije i prilaz nije siguran. Cilj projekta: Omogućiti stanovništvu lokalne zajednice konzumaciju zdrave, prirodne izvorske vode te napraviti izletišta kod izvora da stanovništvo nesmetano može točiti vodu i boraviti u prirodi. Aktivnosti: Uraditi analizu izvorske vode, iskrčiti područje oko izvora i samo izvoršite, urediti izletišta za posjetioce oko izvora, napraviti šadrvane i ognjište za loženje vatre, promovisati izvor, upotrebu izvorske vode i boravak u prirodi, uraditi informativne table i putokaze do izvora.
Udruženje građana "Eho", Bileća	Klub muzičke omladine	Problem: Bileća nema muzičku školu i u gradu je tokom trideset godina sve manje stanovnika koji sviraju neki instrument, Cilj projekta: Podstaci mlade da ispolje svoje muzičke afinitete, pružiti im osnove muzičkog obrazovanja, a lokalnu vlast, osnovne škole i roditelje podstaći da realizuju proces ponovnog otvaranja muzičke škole. Aktivnosti: Nabaviti instrumente za početno muzičko obrazovanje, izvršiti štimanje dva klavira, provesti audiciju mladih polaznika, organizovati nastavno-obrazovni proces, na kraju decembra 2022. održati javni koncert muzičke omladine.
Udruženje građana Centar za ekologiju i održivi razvoj- C.E.K.O.R., Kakanj	Solarno drvo	Problem: Zbog nekorištenja mjera energetske efikasnosti privatnih i javnih objekata, potrošnja energije po glavi stanovnika u BiH je neprimjereno veća nego u drugim zemljama. Cilj projekta: Educirati stanovništvo i provesti medijsku kampanju zaštite okoliša i energetske efikasnosti kroz konkretne terenske aktivnosti. Aktivnosti: Izgraditi solarno drveće u otvorenoj ekološkoj učionici u Kaknju te provesti edukaciju učenika kao i građana Kaknja što će dovesti do smanjenje potrošnje energije, smanjenje zagađenja vazduha.
Udruženje "Kalem", Gornji Vakuf Uskoplje	Park prirode „Kalemovo jezero“	Problem: Uslijed negativnog odnosa čovjeka prema prirodi gdje se u zadnjoj deceniji masovno vrši sječa šume, Kalemovo jezero došlo je do stanja da jednog dana nestane, što bi rezultiralo gubitkom životinjskog svijeta koje se nalazi u jezeru. Cilj projekta: Očuvanje Kalemovog jezera koje se prostire na površini od oko 3000 m2 u našoj lokalnoj zajednici, na području općine Gornji Vakuf – Uskoplje. Aktivnosti: Kroz edukaciju upoznati naše stanovništvo o ekološkom načinu očuvanja naše prirode; terenski rad koji će uključivati čišćenje i uljepšavanje prostora oko jezera.
Udruženje građana "Korijeni" iz Ugljevika	Majevisa u srcu	Problem: Biciklistička ruta Via Majevisa koja obhvata 5 opština (FBiH i RS) nije adekvatno predstavljena posjetiocima. Cilj projekta: Urediti lokacije te promovisati domaću poljoprivrednu proizvodnju u mjestima kroz koja ova ruta prolazi te animirati lokalno stanovništva i vlasti da aktivnije učestvuje u ovakvim promotivnim aktivnostima Aktivnosti: adekvatno urediti i opremiti lokacija za odmor i razonodu, a što je osnovni preduslov da se privuku i zadrže ciklo-turisti i posjetioci ovog dijela rute te da im se predstavi domaća ponuda sela.
Udruženje građana likovnih stvaralaca Uliks Derventa	Škola slikanja u okviru tradicionalne međunarodne Likovne kolonije na Ukrini 2022. godine	Problem: zanemarenost umjetnosti i obrazovanj zbog čega veliki broj nadarenih mladih ljudi ne uspijeva ispoljiti svoj talent. Cilj projekta: Omogućiti zainteresovanim talentovanim mladim osobama da besplatno uče od akademskih i iskusnih slikara u okviru ljetne škole slikanja pored rijeke Ukrine u vrijeme održavanja tradicionalne međunarodne likovne kolonije. Kolonija je posvećena rijeci Ukrini i zaštiti prirodnog fenomena vodenog cvijeta. Aktivnosti: Od aktivnosti koje bi se provele treba izdvojiti: izrada plakata i upis polaznika, nabavka materijala za slikanje, uređenje privremene učionice na otvorenom, teoretska predavanja, praktična nastava, završna izložba polaznika, izbor najboljeg slikarskog rada
NVO "Mi volimo Čajniče" Čajniče	EDU šumski centar	Problem: Ekološko iscrpljivanje prirodnih resursa-šume pod kojim se podrazumijeva njena prekomjerna sječa, što neminovno dovodi do gubitka biološke raznolikosti (biodiverziteta), a koji je vidljiv u izumiranju biljnih vrsta i staništa, nestajanjem izvora pitke vode. Cilj projekta: Uspostaviti model kvalitetne i nenametljive edukacije kojom bi se obuhvatila većina djece i omladine Grada Čajniča, na tematskom području zaštita okoliša i prirode. Aktivnosti: Provesti infrastrukturne, edukacijske i volonterske aktivnosti. dio. Napraviti jednu učionicu u šumi (tzv "šadrvan") u kome bi vršili Edukacije na različite teme a najviše vezane za zaštitu prirode, šume i ostalih resursa.
Stolačka udruga mladih	STEM lab Stolac	Problem: Mladi ljudi ne raspolažu informacijama o tome koja su zanimanja danas najtraženija na BH tržištu rada zbog čega ne razvijaju svoje vještine zapošljivosti. Cilj projekta: Prenijeti djeci znanja koja će ih potencijalno pripremiti za karijeru u polju informacijske tehnologije, ali i koja će biti zanimljiva, zbog čega će upoznati i bolje razumjeti svijet novih tehnologija. Projektom se želi računalnu znanost učiniti dostupnom što većem broju djece – bez obzira na spol ili dob te im pokazati da može biti zabavna i kreativna. Aktivnosti: Održavanje 5 radionica (ljetna škola robotike i programiranja, radionice robotike i elektronike za osnovnu školu, radionice web programiranja i programiranja u Pythonu za srednju školu). Sve radionice će se održati u prostorijama STEM lab Stolac.
Centar za promociju održivog razvoja Berkovići	Nabavka mobilijara za dječije igralište	Problem: Nedostatak mobilijara za dječiju igru i druženje u novoizgrađenom parku u naselju Viduša. Cilj projekta: Napraviti funkcionalan dječiji park s rekvizitima predviđenim za dječiju igru i rekreaciju. Aktivnosti: Nabavka i ugradnja opreme za igralište, svečano otvaranje parka za djecu.
Udruženje građana Fojničani, Maglaj	Naučno-istraživački kampovi za nova zaštićena područja prirode u BiH	Problem: Iako je po biološkoj i pejzažnoj raznolikosti jedna od najbogatijih zemalja Europe, BiH ima najmanji postotak zaštićenih područja. Cilj projekta: Doprinijeti povećanju broja i održivosti zaštićenih područja prirode u skladu sa Zakonom o zaštiti prirode FBiH te afirmirati očuvanje prirode zagovaranjem uspostave novih zaštićenih područja u ZDK, konkretno planine Matinski vis u općini Žepče i pećine Mokra Megara u općini Maglaj. Aktivnosti: organizovanje naučno-istraživačkih kampova na navedenim područjima, inventarizaciju flore i faune i stručno usavršavanje studenata koji će učestvovati na kampu.
Biciklistički klub "TAJAN" Zavidovići	Mapiranje biciklističke staze Spomenik prirode Tajan - Manastir Vozućica	Problem: Nepostojanje adekvatne signalizacije - nedostatka biciklističkih oznaka (znakova) pored ceste, ali i na mjestima koja su manje dostupna i rjeđe posjećena. Cilj projekta: Učiniti dostupnom jednu malo poznatu, ali ujedno jednu od najljepših staza na području općine koja ide preko planine Klek do manastira Udrim, gdje ulazi u Park prirode „Tajan“ te ide do jezera Mašica koje je turistička atrakcija Aktivnosti: Postavljanje biciklističke signalizacije duž trase, na svim raskrsnicama i sjecištima puteva, postavljanje usmjerivača i pokazivača pravaca, kao i oznaka prema drugim bitnim mjestima koja se nalaze izvan ove staze. Omogućiti da staza bude prohodna od marta do oktobra u toku godine i napraviti preduslove da se signalizacija može koristiti u zimskom periodu za planinarenje, postavljanja znaka i info tabli, organizovanje biciklističke ture uz edukativni sadržaj.

*Tekst koji je korišten kako bi se predstavili odobreni projekti je preuzet iz aplikacije kojom su udruženja prijavila svoje prijedloge projekata.